

欽定古今圖書集成

曆象彙編歲功典



欽定古今圖書集成曆象彙編歲功典

第二十九卷目錄

仲春部彙考

易經

雷天大壯卦

書經

堯典

舜典

詩經

唐風綢繆章

小雅小明章

禮記

月令

周禮

天官

爾雅

月陽

左傳 元鳥司分

易通卦驗 青氣出震 驚蟄桃始華 正陽雲

樂緯 春分樂

素問 診要經終論篇

汲冢周書 時訓解

師曠占 甲戌風占 乙卯日占

呂氏春秋 季夏紀音律篇

史記 律書

漢書 律歷志 天文志

淮南子 天文訓 時則訓 六合

春秋繁露 陰陽出入上下篇

大戴禮記 夏小正

後漢書 禮儀志

說文 卯月

晉書 樂志

梁元帝纂要 仲春

齊民要術 二月事宜

隋書 禮儀志

唐書 曆志

玉曆通政經 四陽盛

遼史 禮志

宋史 禮志

金史 禮志

農政全書 仲春事宜 農事占候

遵生八牋 二月雷 二月事宜 二月事忌

賞心樂事 二月

酌中志略 官中二月

直隸志書 宛平縣 良鄉縣 昌平州 霸州 豐潤縣 永平府 灤州 肅寧

縣 邢臺縣 曲周縣 延慶州 饒陽縣 趙州 吳橋縣 冀州 晉州

山東志書 兗州府 博平縣 淄川縣 齊河縣 陽信 臨汾縣 鄉寧縣 潞安府 黎城

山西志書 和順縣 大同府 馬邑縣 儀封縣 滎澤縣 懷慶府

河南志書 富平縣 蒲城縣 鳳翔縣 西鄉 興安州 平涼府 真寧縣

陝西志書 富平縣 蒲城縣 鳳翔縣 西鄉 興安州 平涼府 真寧縣

江南志書 句容縣 高淳縣 吳縣 長洲縣 崑山縣 嘉定縣 松江府 無錫縣 淮安府 睢寧縣 高郵州 蕭縣

太湖縣 徽州府 休寧縣 太平縣 銅陵 合肥縣 石埭縣 懷遠縣 含山縣

浙江志書

杭州府 嘉興縣 桐鄉縣 孝豐縣 紹興府 餘姚縣 仙居縣

蘭谿縣

浦江縣

瑞安縣

龍泉縣

江西志書

武寧縣 寧州 德興縣 都昌縣 新城縣 廣昌縣 瀘溪縣

湖廣志書

雲夢縣 石首縣 寶慶府 寧遠縣 新田縣

福建志書

惠安縣 仙遊縣 詔安縣

四川志書

涪州

廣東志書

新安縣 南雄府 始興縣 長樂縣 潮州府 石城縣 澄邁縣

文昌縣

西寧縣

廣西志書

全州 隆安縣

雲南志書

雲南府 建水州 河陽縣 新興

古今圖書集成
星鳥以殷仲春厥民析鳥獸孳尾

孔傳宅居也東表之地稱嵎夷暘明也日出于谷而

書天下明故稱暘谷蔡傳暘谷取日出之義義仲所居

官次之名蓋官在國都而測候之所則在于嵎夷

東表之地寅敬也賓禮接之如賓客也出日方出

之日蓋以春分之日朝方出之日而識其初出之

景也平均秩序作起也東作春月歲功方興所當

作起之事也蓋以曆之節氣早晚均次其先後之

宜以授有司也日中者春分之刻于夏永冬短為

適中也晝夜皆五十刻舉晝以見夜故日日星鳥

南方朱鳥七宿唐一行推以鶉火為春分昏之中

星也殷中也春分陽之中也析分散也先時冬寒

民聚於隩至是則以民之散處而驗其氣之溫也

乳化曰孳交接曰尾以物之生育而驗其氣之和

也

舜典

歲二月東巡守至于岱宗

詩經

唐風綢繆章

三星在天

箋

三星謂心星也有尊卑夫婦父子之象又為二

月之合宿故嫁娶者以為候焉疏二月日體在戊

而斗柄建卯初昏之時心星在于卯上二月之昏

合于本位故稱合宿

小雅小明章

二月初吉載離寒暑

朱注初吉朔日也

禮記

月令

仲春之月日在奎昏弧中日建星中其日甲乙其帝

太皞其神句芒其蟲鱗其音角律中夾鍾其數八其

味酸其臭羶其祀戶祭先脾

陳注奎宿在戌降婁之次夾鍾卯律長七寸二千一

百八十七分寸之千七十五

始雨水桃始華倉庚鳴鷹化為鳩

陳注此記卯月之候

天子居青陽太廟乘鸞路駕倉龍載青旂衣青衣服
倉玉食麥與羊其器疏以達是月也安萌芽養幼少
存諸孤擇元日命民社

陳注青陽太廟東堂當太室郊特牲社用甲日此言

擇元日是又擇甲日之善者

命有司省囹圄去桎梏毋肆掠止獄訟

陳注肆陳尸也掠捶治也

是月也元鳥至至之日以太牢祠於高禘天子親往
后妃帥九嬪御乃禮天子所御帶以弓韉授以弓矢

於高禘之前

陳注元鳥燕也燕以施生時巢人堂宇而生乳故以

其至為祠禘祈嗣之候高禘先禘之神也高者尊
之之稱變媒言禘神之也古有禘氏祓除之祀位
在南郊禮祀上帝則亦配祭之故又謂之郊禘后
妃帥九嬪御者從往而侍奉禮事也禮天子所御
者祭畢而酌酒以飲其先所御幸而有娠者顯之
以神賜也韉弓衣也弓矢者男子之事也故以為
祥

是月也日夜分雷乃發聲始電蟄蟲咸動啓戶始出先雷三日奮木鐸以令兆民曰雷將發聲有不戒其容止者生子不備必有凶災

陳啓戶謂穿其穴而出也不戒容止謂房室之事不備謂形體損缺凶災謂父母

日夜分則同度量鈞衡石角斗甬正權槩是月也耕者少舍乃脩闔扇寢廟畢備毋作大事以妨農之事

陳少舍暫息也門戶之蔽以木曰闔以竹葦曰扇
大事謂軍旅之事

是月也毋竭川澤毋漉陂池毋焚山林天子乃鮮羔開冰先薦寢廟

陳獻羔以祭司寒之神開冰先薦寢廟者不敢以人之餘奉神也

上丁命樂正習舞釋菜天子乃帥三公九卿諸侯大夫親往視之仲丁又命樂正入學習樂

陳上丁上旬之丁以先庚三日後甲三日也

是月也祀不用犧牲用圭璧更皮幣

陳不用牲謂祈禱小祀耳如大牢祠高禘乃大典

古今圖書集成
禮不在此限稍重者用圭璧稍輕者以皮幣易之
仲春行秋令則其國大水寒氣總至寇戎來征行冬
令則陽氣不勝麥乃不熟民多相掠行夏令則國乃
大旱煖氣早來蟲螟爲害

周禮

天官

掌次朝日祀五帝則張大次小次設重帘重案合諸
侯亦如之

訂

義

鄭康成曰朝日春分拜日於東門之外祀五帝

於四郊 鄭司農曰五帝五色之帝 劉執中曰

朝日於東郊迎四時之氣則祀其帝于郊王不宿
於外故張大次以候止息小次以候行禮 鄭康
成曰次謂幄大幄初往所止居也小幄旣接祭退
俟之處祭義曰周人祭日以朝及闇雖有強力孰
能支之是以退俟與諸臣代有事焉合諸侯於壇
王亦以時休息

內宰中春詔后帥外內命婦始蠶于北郊以爲祭服

訂 鄭鍔曰說者謂月令季春之月鳴鳩拂其羽戴

古今圖書集成
勝降于桑后妃齋戒親東鄉躬桑而先儒於祭義
大昕之注亦以為季春朔日今此仲春詔后何也
然以七月之詩攷之春日載陽有鳴倉庚女執懿
筐爰求柔桑謂仲春也倉庚以仲春鳴記禮者乃
言季春豈季春者蠶事之始歟謂之始蠶意可知
矣

爾雅

月陽

二月為如

左傳

元鳥司分

郊子曰少皞摯為鳥師而鳥名元鳥氏司分者也

注元鳥燕也

疏

此鳥以春分來故以名官使之主

春分

易通卦驗

青氣出震

震東方也春分日青氣出直震此正氣也氣出右物
半死氣出左蛟龍出震氣不出則歲中少雷萬物不

古今圖書集成
熟人民疾熱

驚蟄桃始華

驚蟄大壯初九桃始華不華倉庫多火

正陽雲

春分正陽雲出張如白鶴

樂緯

春分樂

震主春分樂用鼓

素問

診要經終論篇

正月二月天氣始方地氣始發人氣在肝

注春者天氣始開地氣始泄而人氣在肝肝主東

方寅卯木也夫奇恆之勢乃六十首蓋以六十日

而氣在一藏爲首五藏相通而次序旋轉者也

汲冢周書

時訓解

驚蟄之日桃始華又五日倉庚鳴又五日鷹化爲鳩
桃始不華是謂陽否倉庚不鳴臣不闕主鷹不化鳩

古今圖書集成
寇戎數起春分之日元鳥至又五日雷乃發聲又五日始電元鳥不至婦人不闕雷不發聲諸侯闕民不始電君無威震

師曠占

甲戌風占

二月甲戌日風從南來者稻熟

乙卯日占

二月乙卯日不雨晴明稻上場不熟

呂氏春秋

季夏紀音律篇

夾鍾之月寬裕和平行德去刑無或作事以害羣生

注夾鍾二月也事兵戎事也

史記

律書

明庶風居東方明庶者明衆物盡出也二月也律中夾鍾夾鍾者言陰陽相夾厠也其於十二子爲卯卯之爲言茂也言萬物茂也其於十母爲甲乙甲者言萬物剖符甲而出也乙者言萬物生軋軋也

漢書

律歷志

夾鍾言陰夾助太族宣四方之氣而出種物也位于卯在二月

天文志

日有光道春分日至婁角去極中而晷中立八尺之表而晷景長七尺三寸六分
月有九行春分月東從靑道
淮南子

天文訓

雨水加十五日斗指甲則雷驚蟄音比林鍾加十五日指卯中繩故曰春分則雷行音比蕤賓
仲春二月之夕乃收其藏而閉其寒女夷鼓歌以司天和以長百穀禽鳥草木

注女夷主春夏長養之神

夾鍾之數六十八主二月下生無射
太陰在巳歲名曰大荒落歲星舍奎婁以二月與之
晨出東方角亢爲對

時則訓

仲春之月招搖指卯昏弧中旦建星中其位東方其
日甲乙其蟲鱗其音角律中夾鍾其數八其味酸其
臭羶其祀戶祭先脾始雨水桃李始華倉庚鳴鷹化
爲鳩天子衣青衣乘蒼龍服蒼玉建青旗食麥與羊
服八風水爨蕝燧火東宮御女青色衣青采鼓琴瑟
其兵矛其畜羊朝於青陽太廟命有司省囹圄去桎
梏毋笞掠止獄訟養幼小存孤獨以通勾萌擇元日
令民社是月也日夜分雷始發聲蟄蟲咸動蘇先雷

三日振鐸以令於兆民曰雷且發聲有不戒其容止
者生子不備必有凶災令官市同度量鈞衡石角斗
稱端權槩毋竭川澤毋漉陂池毋焚山林毋作大事
以妨農功祭不用犧牲用圭璧更皮幣仲春行秋令
則其國大水寒氣總至寇戎來征行冬令則陽氣不
勝麥乃不熟民多相殘行夏令則其國大旱燠氣早
來蟲螟爲害二月官倉其樹杏

六合

仲春與仲秋爲合仲春始出仲秋始內故二月失政

八月雷不藏

春秋繁露

陰陽出入上下篇

中春之月陽在正東陰在正西謂之春分春分者陰陽相半也故晝夜均而寒暑平

大戴禮記

夏小正

二月往耒黍禫禫單也初俊羔助厥母粥俊也者大也粥也者養也言大羔能食草木而不食其母也羊

羔非其子而後養之善養而記之也或曰憂有煮祭祭也者用羔是時也不足喜樂喜羔之為生也而記之與羊牛腹時也綏多女士綏安也冠子取婦之時也丁亥萬用入學丁亥者吉日也萬也者干戚舞也入學也者大學也謂今時大舍采也祭鮪祭不必記記鮪何也鮪之至有時美物也鮪者魚之先至者也而其至有時謹記其時榮黃菜色菜繁田胡繁田胡者繁母也繁萬勃也皆豆實也故記之昆小蟲抵蜺昆者衆也田魂螺也者動也小蟲動也其先言動而

後言蟲者何也萬物是動而後著括猶推也蚺蜩卵也爲祭醢也取之則必推之推之必不取取必推而不言取來降燕乃睇燕乙也降者下也言來者何也莫能見其始出也故曰來降言乃睇何也睇者眇也眇者視可爲室者也百鳥皆曰巢窠穴取與之室何也摻泥而就家人人內也剝鱗以爲鼓也有鳴倉庚倉庚者商庚也商庚者長股也榮芸時有見稊始收有見稊而後始收是小正序也小正之序時也皆若是也稊者所爲豆實

窠字典不載

後漢書

禮儀志

仲春之月立高禘祠于城南祀以特牲

說文

卯月

卯冒也二月萬物冒地而出象開門之形故二月爲

天門

晉書

樂志

古今圖書集成
二月之辰名爲卯卯者茂也言陽氣生而孳茂也
二月之管名爲夾鍾者夾佐也謂時物尚未盡出陰
德佐陽而出物也

梁元帝纂要

仲春

二月仲春亦曰仲陽

齊民要術

二月事宜

二月順陽習射以備不虞春分中雷乃發聲先後各

五日寢別內外

有不戒者生子不備

蠶事未起命縫人浣冬衣徹複爲袷其有羸帛遂供
秋服

凡浣故帛用灰汁則色黃而且脆擣小豆爲末下
絹篋投湯中以洗之潔白而柔韌勝阜莢矣

可糶粟黍大小豆麻麥子等收薪炭

炭聚之下碎末勿令棄之擣篋煮泔米泔搜之更
擣令熟丸如鷄子曝乾以供竈爐種火之用輒得

古今圖書集成
達曙堅實耐久踰炭十倍

漱生衣絹法

以水浸絹令浸一日數度迴轉之六七日水微煮然後拍出柔靱潔白亦勝用灰

上犢車蓬傘及糊屏風書袞令不生蟲法

水浸石灰經一宿浥取汁以和豆黏紙寫書入潢則墨矣

作假蠟燭法

蒲熟時多收蒲臺削肥松大如指以爲心爛布纏

之融牛羊脂灌於蒲臺中宛轉於板上授令圓平更灌之足得供事其省功十倍也

隋書

禮儀志

禮天子以春分朝日于東郊秋分夕月于西郊漢法不俟二分于東西郊常以郊泰畤旦出竹宮東向揖日其夕西向揖月魏文譏其煩褻似家人之事而以正月朝日于東門之外前史又以爲非時及明帝太和元年二月丁亥朝日于東郊八月己丑夕月于西

古今圖書集成
郊始合于古

後齊仲春令辰陳養老禮先一日三老五更齋于國學皇帝進賢冠元紗袍至壁雍入總章堂列宮懸王公已下及國老庶老各定位司徒以羽儀武賁安車迎三老五更于國學三老至門五更去門十步則降車以入升自右階就筵進珍羞酒食又設酒醢于國老庶老三老乃論五孝六順典訓大綱禮畢而還又都下及外州人年七十已上賜鳩杖黃帽有勅卽給不爲常也

禮仲春以元鳥至之日用太牢祀於高禘後齊高禘爲壇於南郊傍廣輪二十六尺高九尺四陛三壝每歲春分元鳥至之日皇帝親帥六宮祀青帝于壇以太昊配而祀高禘之神以祈子其儀青帝北方南向配帝東方西向禘神壇下東陛之南西向禮用青珪束帛牲共以一太牢

後齊立太社帝社太稷三壇於國方每仲春月之元辰各以一太牢祭焉皇帝親祭則司農卿省牲進熟司空亞獻司農終獻

古今圖書集成
後周春分朝日于國東門外爲壇如其郊用特牲青幣青珪有邸皇帝乘青輅及祀官俱青冕執事者青弁司徒亞獻宗伯終獻燔燎如圓丘

後周仲春教振旅大司馬建大麾於萊田之所鄉稍之官以旂物鼓鐸鉦鐃各帥其人而致誅其後至者建麾於後表之中以集衆庶質明偃麾誅其不及者乃陳徒騎如戰之陣大司馬北面誓之軍中皆聽鼓角以爲進止之節田之日於所萊之北建旗爲和門諸將帥徒騎序入其門有司居門以平其人既入而

分其地險野則徒前而騎後易野則騎前而徒後既陣皆坐乃設驅逆騎有司表貉於陣前以太牢祭黃帝軒轅氏於狩地爲壇建二旗列五兵於坐側行三獻禮遂蒐田致禽以祭社

開皇初社稷並列於含光門內之右仲春吉戊以太牢祭焉

開皇初於國東春明門外爲壇如其郊每以春分朝日牲幣與周同

隋因周制仲春開冰用黑牡秬黍於冰室祭司寒神

古今圖書集成
加以桃弧棘矢

隋制常以仲春用少牢祭馬祖于大澤諸預祭官皆于祭所致齋一日積柴于燎壇禮畢就燎
唐書

曆志

坎以陰包陽故自北正微陽動於地下升而未達極于二月凝涸之氣消坎運終焉春分陽出于震始據萬物之元爲主于內則羣陰化而從之極于南正而豐大之變窮震功究焉

仲春昏東井十四度中月令弧中弧星入東井十八度晨南斗二度中月令建星中于太初星距西建也甄耀度及魯曆南方有狼弧無東井鬼北方有建星無南斗井斗度長弧建度短故以正昏明云
玉曆通政經

四陽盛

二月四陽盛而不伏于一陰陽與陰氣相薄雷遂發聲

遼史

古今圖書集成
禮志

歲時雜儀二月一日爲中和節國舅族蕭氏設宴以延國族耶律氏歲以爲常國語是日爲柁里柁柁里請也柁時也柁讀若狎柁讀若頗

宋史

禮志

司寒之神常以四月命官率太祝用牲幣及黑牡秬黍祭元冥之神乃開冰以薦太廟建隆二年置藏冰署而脩其祀焉祕書監李至言按詩豳七月日四之

日獻羔祭韭蓋謂周以十一月爲正其四月卽今之二月也春秋傳曰日在北陸而藏冰謂夏十二月日在危也獻羔而啓之謂二月春分獻羔祭韭始開冰室也火出而畢賦火星昏見謂四月中也又按月令天子獻羔開冰先薦寢廟詳其開冰之祭當在春分乃有司之失也帝覽奏曰今四月韭可苦屋矣何謂薦新遂正其禮

金史

禮志

古今圖書集成
歲以春分日記青帝伏羲氏女媧氏凡三位壇上南向西上姜嫄簡狄位于壇之第二層東向北上前一
日未三刻布神位省牲器陳御弓矢弓韉于上下神
位之右其齋戒奠玉幣進熟皆如大祀儀青帝幣玉
皆用青餘皆無玉每位牲用羊一豕一有司攝三獻
司徒行事禮畢進胙倍于他祀之肉進胙官佩弓矢
弓韉以進上命后妃嬪御皆執弓矢東向而射迺命
以次飲福享胙
農政全書

仲春事宜

仲春初二日東作興俗謂上工日田家雇傭工之人
俱此日執役之始故名上工

泥蠶室 春百果木根則子牢 此月雨水中埋諸

花樹條則活 中甸種稻爲上時

下子 麻子 紅花 山藥 白扁豆 桑椹

扦插 蒲桃 石榴

栽種 槐 穀楮 粟 松 銀杏 棗 皂莢

菊 茶 薤 木瓜 桐樹 藕 竹 決明

壓條	桑條	接換	柑	橘	柿	棗	橙	柚	杏	胡桃
蘿蔔	豌豆	銀杏	楊梅	枇杷	沙柑	栗	桃	石榴	梅	梨
芭蕉	萵苣	李	紫丁香	已上春分前後皆可						
紫蘇	烏豆									
芡苳	大葫蘆									
蒼木	菘菜									
芡菰										
木槿										
茄										
芋										
芡菰										
黃精										
胡麻										
雜菜										
枸杞										
萱草										
瓜										
莧										
蒼木										
大啤豆										
夏										

澆培 柑 橘 橙 柚 蒲萄

收藏 槐牙 皂角 新茶 百合曲

雜事 移諸般花果 並忌南風火日 理蠶事春耕宜遲恐陽氣未透 插諸色樹木解樹上裏縛

農事占候

二月十二夜宜晴可折十二夜夜雨二月最怕夜雨

若此夜晴雖雨多亦無所妨十夜以上雨水鄉人盡

叫苦 初四有水謂之春水 初八日前後必有風

雨 諺云清明斷雪穀雨斷霜言天氣之常 東作

古今圖書集成
既興早起夜眠春間最爲要緊古語云一年之計在春一日之計在寅

遵生八牋

二月雷

二月忌東北雷主病西北多疫春分忌晴主病

二月事宜

孝經緯曰雨水後十五日斗指甲爲驚蟄蟄者蟄蟲震起而出也後十五日斗指卯爲春分分者半也當九十日之半也故爲之分夏冬不言分者天地間二

炁而已矣陽生子極於午卽其中分也春爲陽中律夾鍾言萬物孚甲鍾類而出也要纂曰二月爲仲陽曰令月此正女夷司和春皞馭節之時也

元樞經曰天道西南行作事出行宜向西南吉不宜用卯日犯月建不吉

又曰是月取道中土泥門戶辟官符上壬日取土泥屋四角宜蠶事

又曰是月上卯日洗髮愈疾

又曰是月初八日乃佛生日也周建子以子月爲歲

首是以十一月爲正月也莊王九年四月初八日釋迦生以子至卯月是今二月也二月八日爲佛生辰無疑今不知者不考歲首建支猶以四月爲成規何其謬歟

呂公忌曰是月採升麻治頭疼熱風諸毒採獨活治賊風百節痛風無久新俱治

四時纂要曰是月初八日十四日二十八日拔白髮髮良

千金方曰是月宜食韭大益人心

纂要曰是月丁亥日收桃花陰乾爲末戊子和井花水服方寸匕日三服療婦人無子兼美容顏

千金月令曰驚蟄日取石灰糝門限外可絕蟲蟻又二月二日取枸杞煎湯晚沐令人光澤不病不老

月令曰春分後宜服神曲散其方用蒼朮桔梗各二兩附子一兩茯苓一兩炮細辛一兩搗篩爲散紅絹囊盛之一人背帶一家無病若染時疫者取囊中之藥一錢新汲水調服取汗卽愈

二月已後當多服祛痰之藥風勞之疾每起於痰人

能先令痰疎導則病可庶幾

是月上丙日宜洗頭髮愈疾效上卯沐浴去百病

是月二十五天倉開日宜坐園入山脩道

雲笈七籤曰二月八日沐浴令人輕健初六日亦同

靈寶曰是月八日宜脩芳春齋

五日脩太上慶生齋

二月事忌

千金月令曰二月三日不可晝眠

白雲忌曰二月九日不可食魚鼈仙家大忌

雲笈七籤曰二月十四日忌水陸遠行

又曰是月勿食黃花菜交陳菹發痼痰動宿氣勿食

大蒜令人氣壅關膈不通勿食鷄子滯氣勿食小蒜

傷人志勿食兔肉狐貉肉令人神魂不安兔死眼合

者勿食傷人兔子勿與生薑同食成霍亂

養生論曰是月行途勿飲陰地流泉令人發瘧瘴又

令脚軟

是月勿食生冷可衣夾衣

是月雷發聲戒夫婦容止

古今圖書集成
是月初四十六日不宜交易裁衣
元樞經曰毋竭川澤毋焚山林勿任刑勿殺傷
楊公忌十一日不宜問疾

二月脩養法

仲春之月號厭於日當和其志平其心勿極寒勿太
熱安靜神氣以法生成卦大壯言陽壯過中也生氣
在丑臥養宜向東北

孫真人攝養論曰二月腎氣微肝正旺宜戒酸增辛
助腎補肝宜靜膈去痰水小泄皮膚微汗以散元冬

蘊伏之氣

內丹祕要曰仲春之月陰佐陽炁聚物而出喻身中
陽火方半氣候勻停

法天生意云二月初時宜灸脚三里絕骨對穴各七
壯以泄毒氣夏來無脚炁冲心之病

春分宜採雲母石煉之用礬石或百草上露水或五
月茅屋滴下簷水俱可煉久服延年

濟世仁術云二月庚子辛丑日採石膽治風痰
賞心樂事

二月

現樂堂瑞香 社日社飯 玉照堂西細梅 南湖

挑菜 玉照堂東紅梅 餐霞軒櫻桃花 杏花莊

杏花 南湖汎舟 羣仙繪幅樓前後毬 綺互亭

千葉茶花 馬塍看花

酌中志略

宮中二月

二月初二日各宮撤出所安彩裝

直隸志書

各省風俗同者不載

宛平縣

二月二日日龍抬頭因薦韭之餘家各為葷素餅餡

以油烹而食之曰薰蟲兒謂引龍以出且使百蟲伏

藏也

良鄉縣

二月二日紳士祀文昌帝君農家向井引龍

昌平州

仲春月一日人設香燭祭日二日灰撒地謂之引龍

霸州

古今圖書集成
二月二日以杖擊梁避鼠

豐潤縣

仲春二日引龍諺云龍抬頭引龍財春分日造醫醋
永平府

仲春月朔初吉爲中和令節官民久不舉次日以龍
抬頭農家用糠自戶引至井用灰自井引至甕謂之
引龍入宅主有財用香油煎糕薰蟲則物不蛀且以
辟廚竈蒼蠅婦舉針逆女歸寧上丁祭文廟上戊祭
武廟社稷風雲雷雨山川民間社不必戊而或祭馬

神八蜡廟驚蟄春分志風雨以上豐歉自雷起至百
日河漲分日占東風收麥有雷在分前後日歲稔是
日作酒及醯時冰泮草生婚姻之期家嫁娶農舉趾

灤州

二月三日祀文昌

肅寧縣

驚蟄風雨歲必荒歉春分東風麥收年豐南風五日
先水後旱西風麥貴北風米貴

吳橋縣

古今圖書集成
二月十九日西關外白衣菩薩廟會商賈輻輳百貨俱陳數百里外多來進香

冀州

驚蟄後遇雷始發取土辟蝎

晉州

二月二日煮秫爲糜麩調之爲醋質曰醋膠

饒陽縣

驚蟄東風早收麥南風糞麻盛西風主口足災北風主盜賊雷鳴主本月多雨次月旱妨農八日得西南

風爲稔歲春分東風主蠶麥收成南風主麻收西風主蝗蟲亂北風主瘟災朔雨主稻貴晦雨人多疾

趙州

二月二日以窰灰圍房屋辟百蟲具鯉魚猪脯饋新歸之女曰開素

邢臺縣

二月二日啖煎餅禁蝎

曲周縣

二月各廟宇戲會漸繁兒童郊外放紙鳶

古今圖書集成
延慶州

二月二日以元宵日留糕食耕夫謂之不打鐮

山東志書

兗州府

泗水神廟在泗水縣東五十里有司歲以二月二日致祭

淄川縣

二月二日納五穀於中央覆以甓占豐年

齊河縣

二月二日家家庭內以豆萁灰作廩圈謂其宜五穀
陽信縣

仲春月二日爲青龍節蚤起引龍驚蟄農始耕執牟
春分作酒醋治畦穿井栽樹種蔬

博平縣

二月十八日二十八日村疇婦女呼伴入城三五成
羣追逐於各廟燒香

福山縣

二月二日祀龍王廟于塗山薰蟲小兒用彩帛剪小

方作串佩之名小龍尾

山西志書

臨汾縣

二月二日祀土神

鄉寧縣

二月二日五鼓用灰圍房屋牆壁謂之圈龍為驚蟄也

潞安府

二月一日出穀

黎城縣

二月祭韭種稷瓜瓠葺蠶室收小蒜接果樹種小蘿
蔔

和順縣

二月二十五日結綵為亭樓紙火迎合山大王于縣
致祭

大同府

二月二日各村疇社地醮錢獻牲謂之扶龍頭

馬邑縣

二月二日龍抬頭農家祭獻龍王會飲廟中曰開廟門

河南志書

儀封縣

二月二日竈灰攔門辟災

滎澤縣

二月二日敲瓦搖葫蘆以辟百毒

懷慶府

河陽出王鮪魚即今黃魚形如豕口與目俱在腹下

每歲二月出于石穴逆河而上人乃取之

陝西志書

富平縣

二月二日以灰畫于莊牆外曰衛莊人以是日謁高

禰廟曰祈嗣

蒲城縣

二月二日謁真人洞

鳳翔縣

二月二日煮食元宵燈盞俗謂之咬蝎子

西鄉縣

二月二日蒿坪寺藥王大會官民俱往上海遠近畢至婦女亦踏青採野菜供食

興安州

二月二日傾國皆赴藥王山拈香

平涼府

二月味爽男女持箕布灰循牆屋基祝曰一月一龍昂頭萬物齊昂頭唯有蚤虱不昂頭是月始露雷始聲六畜交始字鳥羣訛鷄登伏魚泮遊柳始葉迎春

探春山桃杏吐花芍藥黃麗春百花始萼農去裘乃耕播夏種脩築百役俱興大糞田牛羊飼穀種樹百蔬紅藍蒿苳接嘉果卉下旬播穀植柳嘉蔬食波菘

真寧縣

二月初二日朝藥王洞

江南志書

句容縣

二月驚蟄祭社祈年田家擊鑼鼓喧呶以禳鼠雀縣令詣茅山祭龍

古今圖書集成
高淳縣

二月初旬祀張菩薩卽祠山神也自一日至八日多風雨名凍食節

吳縣

春仲西虹橋踏青十九日以觀音誕支硎山進香

長洲縣

二月始和卽命樓船簫鼓遊山覽勝

崑山縣

二月初八俗稱張大帝誕日是日西南風則農有秋

嘉定縣

驚蟄喜聞雷諺云驚蟄聞雷米似泥又云驚蟄雷聲未是奇春分無雨病人稀月中但得逢三卯豆果棉花處處肥二月八日爲張大帝生日必有風雨釀寒云大帝喫凍狗肉逢辰日上天有請客風送客雨是日候西南風而知有秋

松江府

二月十九日相傳爲觀音大士生日皆詣城西超果寺進香是月童子放風鳶夜或以燈藝火作一紙翼

貫紐中凌風而上亦有烟爆飛如繁星

無錫縣

二月北塘舊有香燈之會蓋吳人進香武當者必尅期會于無錫至之夕聯索於檣縱橫上下懸燈滿之至不可數於是邑之士女亦連舫出觀櫛比數里影落湖中互相映發

淮安府

二月二日稚子蓄髮貧者冠巾髻

睢寧縣

二月二日爆粟俗曰爆蟲

高郵州

二月卜雷鳴記夜雨

蕭縣

二月二日取灰圍倉囤於天井以兆穀登如風不吹灰飛即為瑞應

太湖縣

春分後數日杜鵑鳴俗呼為陽雀且謂先聞之走路時多滂先聞之寢時多災其下鄉濱湖間絕少苗將

古今圖書集成
實則無聲

徽州府

二月二十八日歛休之民輿汪越國之像而遊云以
誕日爲上壽設俳優之戲飛織垂髻徧諸革鞞儀衛
前導旂旄成行震於鄉井以爲奇雋是月下春種燠
王善菜於盆在山間者遲都市之候盈旬種雪平地
尺夏大水水漲如其數

休寧縣

二月以雷鳴占雨雪驚蟄前鳴多雪是月多雨次月

早春分日東方占雲有青雲宜麥無則事不成

太平縣

二月十二日九丞相公賽會會所有三一附城水東
鄉一西鄉一三門鄉畫紙爲旗或百面或數十面是
日各擁出遊在城者遍遊城內外聽其所如扛轎者
不得主或逍遙衢市或迴翔河畔興倦而歸在西鄉
者爲一方主無卜不驗入廟人不敢仰視會首先期
擇戲子立戲棚臨時設祭及送俱設盛筵備諸品糜
費多至數百金在三門者每家必備牲牢嘉碩肥膾

古今圖書集成
以祭三處或遊以敬或戲以敬或祭以敬在神爲祈
賽之常在民有踵事之異

銅陵縣

二月上丁祭文廟上戊祭社壇上巳祭南壇

合肥縣

春分日民並種戒火草有鳥如烏先鷄而鳴架架格
格民候此鳥則入田以爲候

石埭縣

二月十九日爲大士誕期各家皆挈童男女至庵寺

著僧服度關以禳災星

懷遠縣

仲春之月以驚蟄日陰晴占一春之晴雨含蕃麥入

含山縣

二月三日爲文昌帝君誕辰城中紳士斂貲以祝或
祝於學或祝於宮

浙江志書

杭州府

二月初一日自唐李泌奏停正月晦日以初一爲中

古今圖書集成
和節俗有挑菜之會今民間於初二日或戴蓬草和米粉煎爲餅以應節物十九日上天竺大士誕辰三吳士女買舟進香不可億計越州歲進巨燭其大如椽鼓吹導送旛蓋絡繹由北新關至松木塲舟車銜接數十里不絕自此以往士女爭先出郊謂之探春畫舫輕舟櫂比鱗集笙歌簫鼓之聲振動遠近其遊之次第先南屏放生池湖心亭岳王墳盧舍菴後入西陵橋放鶴亭日銜半規始漸散去絳紗籠燭車馬爭門而入日以爲常比來臯亭山劉墳村每當春日

桃花盛放一望如雲錦遊人多問津焉

嘉興縣

二月二日下瓜茹菜種

桐鄉縣

二月二日人戴蓬草以辟頭風是月兒童競放紙鳶
諺曰楊柳青放風箏

孝豐縣

二月十九日觀音誕婦女競會佛所誦經至扮臺閣迎會爭奇鬪巧致費不貲

古今圖書集成
紹興府

二月二日始開西園縱郡人遊觀謂之開龍日府帥領客觀競渡異時競渡有爭進攘奪之患自史浩爲帥雖設銀杯綵帛不問勝負均以予之自是爲例兒童歌青梅聲調宛轉大抵如巴峽竹枝之類

餘姚縣

二月放風鳶病者以爲禱

仙居縣

二月三日各迎城隍暨合殿神於境以祈年張燈作

樂如元宵神各有屬不相混

蘭谿縣

二月二日俗傳是日爲城隍神生日合市人先一日結綵亭香亭燃大絳蠟亭作諸奇巧而迎其廟神以遊于街市亦作鼇山設齋斛令僧道誦經廟中焚香羅拜倩優作戲食湯餅焉

浦江縣

二月十五日家長率子孫齊詣祠堂祭始祖及四代祭畢散胙而宴飲焉

瑞安縣

二月二日各廟延僧道設醮奉神浴門灑淨旌旗亭閣靡麗奇巧夜張花燈送神還廟光如繁星

龍泉縣

二月初一日有風雨主米貴月內虹見秋米貴若在西方愈貴其日值驚蟄主蝗其日值春分饑甲子發雷主大熟甲子日雨主旱月內有三卯豆熟春分日清明無雲萬物好是月行秋令主大水

江西志書

武寧縣

春仲多陰翳謂之弄寒弄暖

寧州

仲春之間一雨輒衣綿袷三日晴則單葛可服

德興縣

春分之日漬種下秧

都昌縣

二月朔日邑人備花燭酒果殺饌享神集福禮畢劇飲極歡而罷俗名坊保

古今圖書集成
新城縣

春分先後數日分移各項花木

廣昌縣

二月雷鳴驚蟄先占春多雷諺云正月雷鳴二月雪

三月禾秧老生節

瀘溪縣

二月漸暖寒則雨始漬種

湖廣志書

雲夢縣

二月二日爲龍擡頭田夫疏引麥溝以待雨至

石首縣

二月螺蛳出水地菜遍生窮鄉居民男執筐以拾螺女執筐以尋菜蓋土瘠產薄水多田少非此不足以佐食

寶慶府

二月朔日民間以青囊盛百穀瓜果種相遺謂之獻生子

寧遠縣

驚蟄日暖且畏雷否則其月多雨次月必旱
新田縣

二月一二三日止杵白懼五穀有山耗驚蟄宜寒否則稼損

福建志書

惠安縣

驚蟄日雷主一月雨至次月又旱是日不宜寒故曰驚蟄不殺蟲寒到五月窮

仙遊縣

二月朔夜或十家或二十家立醮壇懸燈張樂無異元宵謂之作福

詔安縣

海上颶信二月初二日為白鬚颶

四川志書

涪州

驚蟄後農人以水浸稻三日瀝水覆草又三日孚拆成芽撒之田中曰下秧

廣東志書

新安縣

二月俗以春分社占豐歉諺云分在社前斗米斗錢
言先春分而後社則穀貴也春分社後斗米斗豆言
穀賤也又曰雨打驚蟄節二月雨不歇三月乾耙田
四月米生節言無水插秧也

南雄府

二月上日鄉有彭公會每家值一載是日昇神至某
姓坐鎮祝禱極顯鄉愚吐熒 五戊日亡人淺葬及
新葬地者家人載牲昇酒往靈丘拜祭親友亦備物

從之歸則留飲謂之醮官社地 嘉會節弱溪有龍

虎福主會士民迎神入祖祠祭奠幢幡旗蓋璀璨耀

目

始興縣

二月入社田功畢作卽惰窳者不敢康居俗呼懶人

傍社

長樂縣

仲春之月螻蛄鳴蚯蚓出蕨可茹茶可採筆竹生笋
以驚蟄農播其種

潮州府

仲春祀先祖坊鄉多演戲諺曰孟月燈仲月戲

石城縣

二月上丁日童子多用發蒙

澄邁縣

二月雷禁凡一切事于初二三日皆不興作只親戚互相往來探問鄉落間以為祈年尤重其事犯禁者有罰

文昌縣

二月迎南天火雷電母高涼郡主夫人

西寧縣

二月二日俗謂土地神誕日糾會斂銀置神衣火炮等詣廟醮奠

廣西志書

全州

二月八日造烏飯各方具香燭往參無量壽佛謂香花會

隆安縣

古今圖書集成
二月棉花鬪錦橘柚喧蜂鷓鷯鳴播早種栽薯芋撒
棉花種麻民雜郊原殷耕作近溪人脩水壩造水車
雲南志書

雲南府

二月三日老幼相率遊龍泉憩石嘴臨江飲酒歌詠
爲樂

建水州

二月士夫祭八蜡祠祈年

河陽縣

二月初八日爲迎神社會先是正月內城外各村設
會輪流迎請諸神畢首東門迎諸神于會所設醮三
日四門輪遞迎請之期用錦綵裝演馬匹名曰神馬
並臺閣故事備極美麗夕則比戶張燈笙歌綵舞以
供遊人玩樂相沿已久俗傳祈年豐稔歷有明驗

新興州

二月十九日農者祀龍于九龍池禱水州官齋戒詣
奠

欽定古今圖書集成曆象彙編歲功典

第三十卷目錄

仲春部藝文一

中東門銘

後漢李尤

夾鍾二月啓

梁昭明太子

東郊朝日賦

唐陸贄

中和節百辟獻農書賦

侯喜

中和節百辟獻農書賦

賈餗

中和節百辟獻農書賦

胡直鈞

中和節百辟獻農書賦

鄭式方

中和節奉陪杜尚書宴集序

梁肅

仲春部藝文二 詩詞

仲春振旅

晉傅元

詠美人春遊

梁江淹

春祈稷誠夏

隋牛弘

春中興慶宮酺宴 并序

唐元宗

中和節賜百官燕集因示所懷

德宗

中春麟德殿會百僚觀新樂

同前

中和節日賜羣臣宴賦七韻

同前

中和節日宴百僚賜詩

同前

賦得春鶯送友人

劉孝孫

仲春郊外

王勃

郊興

前人

春中喜王九相尋

前人

二月樂遊詩

郭震

奉和聖製中和節曲江宴百寮

李泌

二月閨情

袁暉

春水生

杜甫

贈闕下裴舍人

錢起

仲春晚尋覆釜山

前人

仲春

謝良輔

二月

鮑防

皇帝移晦日為中和節

呂渭

試中和節詔賜公卿尺詩

李觀

試中和節詔賜公卿尺詩

陸復禮

奉和聖製中春麟德殿會百寮觀新樂

權德輿

奉和聖製中和節賜百官宴集因示所懷

前人

二月二十七日社兼春分端居有懷簡所思者

前人

和大夫邊春呈長安親故

楊巨源

中和節詔賜公卿尺

裴度

春雪

韓愈

春村

白居易

二月二日

前人

二月望日

徐凝

二月二日

李商隱

二月晦日留別鄴中友人

賈島

以庭前海棠梨花一枝寄李十九員外

韓偓

長安春

韋莊

二月二日宴中貽同年封先輩渭

黃滔

春分

徐鉉

中春宴遊

劉兼

陪尹子漸申安禮宿香山寺

宋蔡襄

二月八日北城閒步

曾鞏

二月吟

邵雍

樂春吟

前人

南浦

王安石

和孟堅二月晦同出城

鄭俠

二月六日送京醞上堯夫

程顥

癸丑春分後雪

蘇軾

二月三日點燈會客

前人

二月十九日攜白酒鱸魚過詹使君食槐葉冷

淘

前人

絕句

黃庭堅

二月二日挑菜節

張耒

春風

呂本中

二月二十四日即事

張九成

二月三日登樓

范成大

中春過陽亭

張栻

仲春有懷

前人

壬戌二月

徐璣

春日呈黃子邁大卿

戴復古

春行

真山民

二月十日

謝翺

二月春將半

黃希旦

春半喜晴

金完顏壽

壬午西城湖中遊春

元耶律楚材

春半探花

洪希文

未樂八年春二月被詔直內閣卽事 二首

明胡儼

春寒 楊守陳

春日卽事 鄭琰

二月 以上詩 曹大章

春光好 後唐和凝

探春令 宋徽宗

涼州令 晁補之

踏莎行 杜安世

玉樓春 春半 趙長卿

驀山溪 春半 張震

水龍吟 春遊 陸游

好事近 仲春 汪莘

鹽角兒 春半 以上詞 明馮鼎位

仲春部選句

仲春部紀事

歲功典第三十卷

仲春部藝文一

中東門銘

後漢李尤

中東處仲月值當卯倉庚有聲隼鷹匿爪除去桎梏
訟獄勿考

夾鍾二月啓

梁昭明太子

伏以節應佳辰時登令月和風拂迴淑氣浮空走野
馬於桃源飛少女於李徑花明麗月光浮竇氏之機
鳥哢芳園韻響王喬之管敬想足下優游泉石放曠

古今圖書集成
煙霞尋五柳之先生琴尊雅興謁孤松之君子鸞鳳
騰翮誠萬世之良規實百年之令範但某蓆戶幽人
蓬門下客三冬勤學慕方朔之雄才萬卷常披習鄭
元之逸氣既而風塵頓隔仁智並乖非無衰侶之憂
誠有離羣之恨謹伸數字用寫寸誠

東郊朝日賦

以國家行仲
春之令爲韻

唐陸贄

日爲炎精君實陽德明至乃照臨下土德盛則光被
四國天垂象聖作則候春分之節時則罔愆順周官
之儀事乃不忒於是載青旂儼翠華蓋留殘月旗拂

朝霞咸濟濟以皇皇備禮容於邦家天子躬整服以
待曙心既誠而望賒倏而罷嚴更闢禁城五輅齊駕
八鸞啓行風出郊而草偃澤先路而塵清卷餘霽於
林薄動神光於旆旌初破鏡而半掩忽成輪而上征
杲耀榮光分輝於千品萬類烟熅瑞色均燭於四夷
八紘一人端冕以仰拜百辟奉璋而竭誠故曰天爲
父日爲兄和氣旁通帝德與日德俱遠清光相對帝
心與日心齊明時也春事既用夾鍾律中登觀臺而
瑞集觀芳甸而農衆東爲陽位故出拜於國東仲居

古今圖書集成
時中乃展禮於春仲既而盛禮畢陳錫鑾回輪家有
罄室巷無居人備禮服之燦燦殷遊車之麟麟人望
如艸我澤如春惟天德與聖壽配朝日而長新伊茲
禮之可持歷前代而脩之漢拜庭中成煩褻之細事
魏朝歲首失禮經於舊時國家欽若天命率由時令
矯前王之失德脩古典而施敬俾伯夷之掌禮侔軒
后以作聖恭承命於春卿遂觀光而興詠

中和節百辟獻農書賦

以嘉節初吉修
是農政爲韻

侯喜

我后令節中和孔嘉凍已全解桃仍欲華慶賞之多
燕樂既均於九有播植之始教化爰貞於四遐於是
心膂周召股肱稷禹洎彼庶尹當茲新節陽和溥暢
言拜賜於生成稼穡艱難乃載陳於睿哲觀其克合
天意咸造皇居僉曰國以人爲本人以食爲儲政令
不差則華裔知勸水旱無備則倉廩其虛且自古在
昔靡不有初敬授人時而堯典垂記大無禾麥則魯
史頻書今陛下夔夔慄慄日慎一日惟人是憂惟農
是恤是以域中無事海內殷實人獻其誠神降之吉

古今圖書集成
臣等叨遇昌運思禋大猷惟茲南畝可致崇丘虔考
令辰實當四仲之首敬舉彝典庶爲六府孔修豈止
合彼九疇冠夫百氏高懸象魏必日就而月將未播
蒸黎自風行而草靡帝曰善哉子之言是於變時雍
恭慎是宗應天地中和之氣備朝廷中和之容君告
成中和之功久而作樂臣獻守中和之術先告三農
此所謂超羲越軒臣賢主聖樹光宅之深本爲經邦
之善政美哉啓沃之義於斯爲盛

中和節百辟獻農書賦

同前韻

賈餗

聖上覩萬國之無事偉三農之可嘉因月令之初爰
詢播植俾年豐之慶無隔幽遐於是文武畢陳威儀
斯列爰修耒耜之務用廣異同之說將斯疑作國實
京坻人懷禮節捧書而進知地利之可分足食是圖
見天心之載悅旣而啓文字儼簪裾煥夔龍之獻納
掩河洛之圖書得富國以如此契生人於厥初稽重
穀之言徒稱董仲驗深耕之法何愧朱虛所以候驚
蟄之辰應夾鍾之律昭八政之所用蓄九年之罔失
是薦是蓀將致乎千斯倉爰始爰謀必因乎四之日

古今圖書集成
故當載陽之候以進爲邦之術俾農識不耕之凶歲
獲終畝之吉且中也者表天地之交泰和也者象德
化之優柔致中和之令節展稼穡之允修將明肥磽
異等豐歉殊收人靡在阿之嘆野傳擊壤之謳已矣
哉富庶之規旣如此彌諸之道必於是佐元化之風
行動黎元而草靡故得祥生地表慶發天宗百穀允
修臣罔慙於后稷兆人乃粒帝有邁於神農伊斯事
之明盛掩前代之輝映因獻壽之嘉辰遂啓心于善
政何必考李悝之地力覽崔寔之月令懿此羣公之

書永作九州之慶

中和節百辟獻農書賦

同前韻

胡直鈞

農爲務本春則歲華和者取至和之靡忒中者象居
中之莫邪吾君將以發教源於仲序配節令於孔嘉
知稼穡之道則無逸之書何遠覩播植之論審后稷
之訓不遐至若四海無事萬方胥悅野思疆理之勤
朝有田疇之說鑄兵器爲農器更舊節爲新節天子
方坐承明之廬端穆清之居百執事孜孜而奉職羣
有司濟濟以進書曰陛下德被淳古時登太初念耘

耔之勤每思親勞佇豐年之應曾不自虛一作臣所
以極聞見而獻可庶將獲小大之所如伏以義徇平
秩時在元吉既錢鎛之徒營固準直而何失遲西成
於遺秉之歲戒東作於寅賓之日庶居勤之輩咸執
其常惰遊之人罔敢不率皇上諧眾議允嘉猷載耒
耜而親耕天下皆勸率公卿而終事庶績咸修然後
創典章頒遠邇斯載耕之自此佇多稔之于彼稽汜
氏之法未足方之考周官之規諒當改是豈不以羣
下執躬在上務農故將降元功於后土介景福於天

宗况令節適時良圖合盛近可法于三務遠從規於
八政豈將獨播美於茲辰冀終古而輝映

中和節百辟獻農書賦

同前韻

鄭式方

聖人清謚六合車書一家皇心協于天統節令徵為
國華思播植以富人故農書是進建中和而照物俾
淳風不遐是以四夷即敘九穀用嘉當其天廟祇臨
韶光發洩二月初吉式協于農祥三務成功不虧乎
歲節授其時用天之道進其書知人則哲一人垂拱
以憂勤百辟獻章而誠竭於是元老進而言曰陛下

道洽無外化康有截猶慮九扈未弘三時尚缺命陳
書而王化可闡俾知方而農政斯列既戒既種粢盛
之望有期弗震弗渝地利之宜奚設豈不以寒氣總
入春陽始初陳乎五種之用本乎三農之書王者則
千畝是藉庶人則中田有廬故年穀之順不差物力
之功克實首嘉節而東作方起符中星而西成乃畢
其殖也習無不利其耕也動罔不吉然後邦國知息
節之宜象魏識勸農之術于以見君臣克協于以見
土穀惟修足食表豐年之慶多稔興大田之猷且夫

節者育物于生成農者豐功于遐邇善宣兮時罔不
若化洽兮物無非是乃疆乃理歌積庾于京坻有翼
有憑致殊方之率俾非我后聖應太昊德包神農則
不能盡地力祈天宗故得貞萬姓行八政幸沐化于
和平庶采葑而謠詠

中和節奉陪杜尚書宴集序

梁肅

沛乎聖人在穆清之中合四序茂萬物謂二月之吉
殷天人之和肇以是日為中和節原夫中以立天下
之本和以通天下之志明君所以總萬邦也奉時以

協氣播氣以授人元侯所以承王命也于時上元甲子之六歲地平天成河海清晏君臣高會由內及外粵我主公總揚州領東諸侯既承湛露之澤且脩式燕之禮乃邀中貴人及我上介部從事列將羣吏大官重客峩星弁執象笏脫劔曳綬列于賓席者百有餘人火旗在門雷鼓在庭合樂既成大庖既盈左右無聲旨酒斯行迺陳獻酬之事乃酣無算之飲於是羣戲全入絲竹雜還毬蹈槃舞撞懸索走之疾飛丸拔距扛鼎踰刃之奇迭作于庭內急管參差長袖嫋

娜之美陽春白雪流徵清角之妙更奏於堂上風和景遲既醉且儀自朝及暮惟節有度君子謂福祿之所浹在是命矣既醉小子且輒起而言曰大君有命令節茲始我公宴喜于以受祉文以發德歌以頌美于胥樂兮胡可廢已公曰善迺俾座客偕以六韻成章授簡爲序上以志王澤所及次以紀方鎮之歡末以示將來盛事云爾

仲春部藝文二

詩詞

仲春振旅

晉傅元

古聖人出行古今樂錄曰仲春振旅言大晉申文
武之教畋獵以時也

仲春振旅大致民武教於時日新師執提工執鼓坐
作從節有序盛矣允文允武蒐田表禡申法誓遂圍
禁獻社祭允以時明國制文武竝用禮之經列車如
戰大教明古今誰能去兵大晉繼天濟羣生

詠美人春遊

梁江淹

古今圖書集成
江南二月春東風轉綠蘋不知誰家子看花桃李津
白雪凝瓊貌明珠點絳唇行人咸息駕爭擬洛川神

春祈稷誠夏

隋牛弘

粒食興教播厥有先尊神致潔報本維虔瞻榆束耒
望杏開田用憑馘穀式詠豐年

春中興慶宮酺宴

并序

唐元宗

夫抱器懷才含仁蓄德可以坐而論道者我於是
乎闢重門以納之作扞四方折衝萬里可運籌帷
幄者我於是乎縣重祿以待之是故外無金革之

虞朝有搢紳之盛所以巖廊多暇垂拱無爲不言
而海外知歸不教而寰中自肅元亨之道其在茲
乎况乎天地交而萬物通陰陽和而四時序所寶
者粟所貴者賢故以宵旰爲懷黎元在念盡力溝
洫不知宮室之已卑致敬鬼神不知飲食之斯薄
往以仲冬建子南至初陽爰詔司存式陳郊祀挹
裔夏之誠請答人神之厚睠煙歸太乙禮備上元
足以申昭報之情足以極嚴禋之道然心融萬類
歸雷雨之先春慶洽百僚象雲天而高宴歲二月

古今圖書集成
地三秦水泛泛而龍池滿日遲遲而鳳樓曙青門
左右軒庭映梅柳之春紫陌東西帘幕動煙霞之
色撞鐘伐鼓雲起雪飛歌一聲而酒一杯舞一曲
而人一醉詩以言志思吟湛露之篇樂以忘憂慙
運臨汾之筆

九達長安道三陽別館春還將聽朝暇回作豫遊辰
不戰要荒服無刑禮樂新合醑覃土宇歡宴接羣臣
玉罕飛千日瓊筵薦八珍舞衣雲曳影歌扇月開輪
伐鼓魚龍雜撞鐘角觝陳曲終酣興晚須有醉歸人

中和節賜百官燕集因示所懷

德宗

至化恆在宥保和茲息人推誠撫諸夏與物長爲春
仲月風景暖禁城花柳新芳時協金奏賜燕周羣臣
絲竹豈云樂忠賢唯所親庶洽朝野意曠然天地均
中春麟德殿會百僚觀新樂

同前

芳歲肇佳節物華當仲春乾坤既昭泰煙景含氤氳
德淺荷元貺樂成思治人前庭列鐘鼓廣殿延羣臣
八卦隨舞意五音轉曲新顧非咸池奏庶協南風薰
式宴禮所重浹歡情必均同和諒在茲萬國希可親

中和節日賜羣臣宴賦七韻

同前

東風變梅柳萬彙生春光中和紀月令方與天地長
耽樂豈予尚懿茲時景良庶遂亭育恩同致寰海康
君臣未終始交泰符陰陽曲沼水新碧華林桃稍芳
勝賞信多歡戒之在無荒

中和節日宴百僚賜詩

同前

韶年啓仲序初吉諧良辰肇茲中和節式慶天地春
歡酣朝野同生德區宇均雲開灑膏露草疏芳河津
歲華今載陽東作方肆勤慙非薰風唱曷用慰吾人

賦得春鶯送友人

劉孝孫

流鶯拂繡羽二月上林期待雪消金禁銜花向玉墀
翅掩飛燕舞啼惱婕妤悲料取金閨意因君問所思

仲春郊外

王勃

東園垂柳徑西堰落花津物色連三月風光絕四鄰
鳥飛村覺曙魚戲水知春初晴山院裏何處染鶯塵

郊興

前人

空園歌獨酌春日賦閒居澤蘭侵小徑河柳覆長渠
雨去花光濕風歸葉影疎山人不惜醉唯畏綠樽虛

春中喜王九相尋 一作孟浩
然晚春

前人

二月湖水清家家春鳥鳴
林花掃更落徑草踏還生
酒伴來相命開樽共解醒
當杯已入手歌妓莫停聲
二月樂遊詩 郭震

二月芳遊始開軒望曉池
綠蘭日吐葉紅藥向盈枝
柳色行將改君心幸莫移
陽春遽多意唯願兩人知
奉和聖製中和節曲江宴百寮 李泌

風俗時有變中和節惟新
軒車雙闕下宴會曲江濱
金石何鏗鏘簪纓亦紛綸
皇恩降自天品物咸知春

慈恩匝寰瀛歌詠同君臣 闕一韻

二月閨情 袁暉

二月韶光好春風香氣多
園中花巧笑林裏鳥能歌
有恨離琴瑟無情著綺羅
更聽春燕語妾亦不如他

春水生 杜甫

二月六夜春水生門前小灘渾
欲平鷗鷺鷓鴣莫漫
喜吾與汝曹俱眼明

贈闕下裴舍人 錢起

二月黃鸝飛上林春城紫禁曉
陰陰長樂鐘聲花外

古今圖書集成
盡龍池柳色雨中深陽和不散窮途恨霄漢常懸捧
日心獻賦十年猶未遇羞將白髮對華簪

仲春晚尋覆釜山

前人

蝴蝶弄和風飛花不知晚王孫尋芳草步步忘路遠
况我愛青山涉趣皆遊踐縈迴必中路陰晦陽復顯
古岸生新泉霞峰映雪巘交枝花色異奇石雲根淺
碧洞志忘歸紫芝之行可奉應嗤嵇叔夜林臥方沈湎

仲春

謝良輔

江南仲春天細雨色如烟絲爲武昌柳布作石門泉

二月

鮑防

憶長安二月時元鳥初至禰祠百轉宮鶯繡羽千條
御柳黃絲更有曲江勝地此來寒食佳期

皇帝移晦日爲中和節

呂渭

皇心不向晦改節號中和淑氣同風景佳名別咏歌
湔裾移舊俗賜尺下新科曆象千年正醑釀四海多
花隨春令發鴻度歲陽過天地齊休慶歡聲欲盪波
試中和節詔賜公卿尺詩

李觀

淑節韶光媚皇明寵錫崇具寮頌玉尺成器幸良工

古今圖書集成
豈止尋常用將傳度量同人何不取利物亦賴其功
紫翰宣殊造丹誠厲匪躬奉之無失墜恩澤自天中
試中和節詔賜公卿尺詩
陸復禮

春仲令初吉歡娛樂大中皇恩貞百度寶尺賜羣公
欲使方隅法還令規矩同捧觀珍質麗拜受聖恩崇
如荷丘山重思酬方寸功從茲度天地與國慶無窮

奉和聖製中春麟德殿會百寮觀新樂

權德輿

仲春藹芳景內庭宴羣臣森森列干戚濟濟趨鈎陳

大樂本天地中和序人倫正聲邁咸濩易象含義文
玉俎映朝服金鈿明舞茵韶光雪初霽聖藻風自薰
時泰恩澤溥功成行綴新賡歌仰昭回竊比華封人
奉和聖製中和節賜百官宴集因示所懷

前人

萬方慶嘉節宴喜皇澤均曉開萸葉初景麗星鳥春
藻思貞百度著明並三辰物情舒在陽時令弘至仁
衢酒和樂被薰弦聲曲新賡歌武弁側末荷元化醇
二月二十七日社兼春分端居有懷簡所思者

前人

清晝開簾坐風光處處生
看花詩思發對酒客愁輕
社日雙飛燕春分百轉鶯
所思終不見還是一含情
和大夫邊春呈長安親故
楊巨源

嚴城吹笛思寒梅二月冰河一半開
紫陌詩情依舊在
黑山弓力畏春來
遊人曲岸看花發
走馬平沙獵雪回
旌旆朝天不知晚
將星高處近三台

中和節詔賜公卿尺

裴度

陽和行慶賜尺度及羣公荷寵承佳節
傾心立大中

短長思合製遠近貴攸同
共仰財成德將酬分寸功
作程施有政垂範播無窮
願續南山壽千春奉聖躬

春雪

韓愈

新年都未有芳華
二月初驚見草芽
白雪卻嫌春色晚
故穿庭樹作飛花

春村

白居易

二月村園暖桑間戴勝飛
農夫春舊穀蠶妾擣新衣
牛馬因風遠雞豚過社稀
黃昏柳下路鼓笛賽神歸

二月二日

前人

古今圖書集成
二月二日新雨晴草芽菜甲一時生輕衫細馬春年
少十字津頭一字行

二月望日

徐凝

長短一年相似夜中秋未必勝中春不寒不暖看明
月況是從來少睡人

二月二日

李商隱

二月二日江上行東風日暖聞吹笙花鬢柳眼各無
賴紫蝶黃蜂俱有情萬里憶歸元亮井三年從事亞
夫營新春莫悟遊人意更作風簷夜雨聲

二月晦日留別鄴中友人

賈島

立馬柳花裏別君當酒酣春風漸向北雲鴈不飛南
明曉日初一今年月又三鞭羸去暮色遠嶽起煙嵐
以庭前海棠梨花一枝寄李十九員外

韓偓

二月春風澹蕩時旅人虛對海棠梨不如寄與星郎
去想得朝回正畫眉

長安春

韋莊

長安二月多香塵六街車馬聲麟麟家家樓上如花

古今圖書集成
人千枝萬枝紅艷新簾間笑語自相問何人占得長
安春長安春色本無主古來盡屬紅樓女如今無奈
杏園人駿馬輕車擁將去

二月二日宴中貽同年封先輩渭黃滔

帝堯城裏日銜杯每倚嵇康到玉顏桂苑五更聽榜
後蓬山二月看花開垂名入甲成龍去列姓如丁作
鶴來同戴大恩何處報末言交道契陳雷

立說春分

徐鉉

仲春初四日春色正中分綠野徘徊月晴天斷續雲

燕飛猶箇箇花落已紛紛思婦高樓晚歌聲不可聞

中春宴遊

劉兼

二月風光似洞天紅英翠萼簇芳筵楚王雲雨迷巫
峽江令文章媚蜀箋歌黛入顰春袖斂舞衣新繡曉
霞鮮酒闌香袂初分散笑指漁翁釣暮煙

陪尹子漸申安禮宿香山寺 宋蔡襄

二月已強半尋春登石樓山光侵雨變草色到雲休
歸鳥沈巖際行人過樹頭剝苔看石碣因火認漁舟
漸夜灘聲惡憑虛屋勢浮乘閒聊自適觴詠屬君流

古今圖書集成
二月八日北城閒步

曾鞏

土膏初動麥苗青飽食城頭信意行兼起高亭臨北渚欲乘長日勸春耕

二月吟

邵雍

林下故無知唯知二月期酒嘗新熟後花賞半開時只有醺酣趣殊無爛漫悲誰能將此景長貯在心脾

樂春吟

前人

四時唯愛春春更愛春分有暖溫存物無寒著莫人好花方蓓蕾美酒正輕醇安樂窩中客如何不半醺

南浦

王安石

南浦東岡二月時物華撩我有新詩含風鴨綠粼粼起弄日鵝黃裊裊垂

和孟堅二月晦同出城

鄭俠

花柳接重圍二分破二春江雲初弄雪壟麥旋收新纓紱嗟塵事農桑羨野民暫陪遊樂乘此日是何辰
二月六日送京醞上堯夫

程顥

紅櫻零落杏花開春物相催次第來莫作林間獨醒客任從花笑玉山頽

古今圖書集成
癸丑春分後雪

蘇軾

雪入春分省見稀
半開桃杏不勝威
應慙落地梅花識
卻作漫天柳絮飛
不分東君專節物
故將新巧發陰機
從今造物尤難料
更暖須留御臘衣

二月三日點燈會客

前人

江上東風浪接天
苦寒無賴破春妍
試開雲夢羔兒酒
快瀉錢塘藥玉船
蠶市光陰非故國
馬行燈火記當年
冷煙濕雪梅花在
留得新春作上元

二月十九日攜白酒鱸魚過詹使君食槐葉冷

陶

前人

枇杷已熟燦金珠
桑落初嘗瀝玉蛆
暫借垂蓮十分盞
一澆空腹五車書
青浮卵椀槐芽餅
紅點冰盤藿葉魚
醉飽高眠真樂事
此生有味在三餘

絕句

黃庭堅

竹筍纔生黃犢角
蕨芽初長小兒拳
試尋野菜炊香飯
便是江南二月天

二月二日挑菜節

張耒

久將菘芥芼南羹
佳節泥深人未行
想見故園蔬甲

古今圖書集成
好一畦春水轆轤聲

春風

呂本中

春風隨長江一日行萬里蕭條起岷山歛忽度揚子
江南千酒樓春風樓上頭金樽開翠幄青帘吹客愁
長堤二月暖寒溪千古流紛紛桃李花處處作芳華
不見梁間燕空悲王謝家

二月二十四日卽事

張九成

春來尋勝事此興亦何窮夜雨亂江淥朝花退日紅
雷聲驚嶺北雲氣漲溪東蓑笠衝泥去誰知與我同

二月三日登樓

范成大

百尺西樓十二欄日遲花影對人間春風已入片時
夢寒食從今數日間

中春過陽亭

張栻

亭古危臨岸林幽巧近城烟容隨雨住花片著溪清
春事已如許客懷誰與傾庭前幾株樹滿意欲敷榮

仲春有懷

前人

西湖景物元瀟灑楊柳新來兩岸垂亦有遊人往來
否不應閒過看花時

古今圖書集成
王戌二月

徐璣

山城二月景如何行處時時聽踏歌
淡色似黃楊葉小濃香如蜜菜花多
春容每到晴時改天氣偏從雨後和
好向溪頭尋釣侶小溪連夕漲清波

春日呈黃子邁大卿

戴復古

帝里風光二月新西湖幾隊踏青人
杏花時節偏饒雨楊柳門牆易得春
或是或非塵裏事無窮無達醉中身
五陵年少誇豪舉寂寞詩家戴叔倫

春行

真山民

短帽輕衫步履遲微暄天氣乍晴時
池融嫩碧銷殘凍春剪新紅綴舊枝
嵐氣滴衣堪入畫禽聲到耳足供詩
東風苦欲招人醉頻掉橋西賣酒旗

二月十日

謝翹

山居少四鄰楮葉半爲薪野色生遙念
空江滯此身風濤春憶越親舊晚遊秦
獨擬尋雞犬雲蘿挂葛巾

二月春將半

黃希旦

二月春將半農耕細雨中花前輕薄子
醉倒笑春風春半喜晴

金完顏壽

古今圖書集成
陰寒二月雪含雲兩日開晴淑景新借問海棠紅幾
許杏花楊柳不曾春

壬午西城湖中遊春

元耶律楚材

二月河中草木青芳菲次第有期程花藏徑畔春泉
碧雲散林梢晚照明含笑山桃還似識相親魚鳥自
忘情遐方且喜豐年兆萬頃青青麥浪平

春半探花

洪希文

芳菲著雨便成苔問訊東君幾日回閨月不會花下
去今朝偶到樹邊來幾何間闕鶯偏老如此生疎蝶

也猜流水時光容易過舉頭枝上已青梅

未樂八年春二月被詔直內閣卽事二首

明胡儼

清曉朝回祕閣中坐看宮樹露華濃綠牕朱戶圖書
滿人在蓬萊第一峰

浩蕩東風雨散絲暗移春色上花枝雲陰半捲龍樓
晚正是詞臣退直時

春寒

楊守陳

二月燕城暖漸回北風吹雪徧樓臺春寒畢竟無多

古今圖書集成
日桃李何須怨未開

春日卽事

鄭琰

荇葉田田柳葉齊女郎何處唱銅鞮春衣隊過頻嘶
馬社酒人歸盡鬪雞二月杏花三日雨千山杜宇一
聲啼年華漸逐東風去腸斷紅橋小苑西

二月 以上詩

曹大章

二月郊南柳色春淡雲晴靄動芳辰霏霏花氣偏隨
酒嫋嫋鶯歌解和人野舫醉乘明月渡芳洲情與白
鷗馴武陵溪水深幾許笑逐桃花欲問津

春光好

後唐和凝

紗牕暖畫屏閒鞦韆雲鬢睡起四肢無力半春間 玉
指剪裁羅勝金盤點綴酥山窺宋深心無限事小眉
彎

探春令

宋徽宗

簾旌微動悄寒天氣龍池冰泮杏花笑吐香猶淺又
還是春將半 清歌妙舞從頭按等芳時開宴記去
年對著東風曾許不負鶯花願

涼州令

晁補之

古今圖書集成
二月春猶淺去年櫻桃開徧今年春色怪遲遲紅梅
尚早未露胭脂面東君遣春來緩似會人深願蟠
桃新鏤雙盞相期似此春長遠

踏莎行

杜安世

雨霽風光春分天氣千花百草爭明媚畫梁新燕一
雙雙玉籠鸚鵡嫌孤睡薜荔依牆莓苔滿地青樓
幾處歌聲麗驀然舊事上心頭無言斂皺眉山翠

玉樓春

春半

趙長卿

江邨百六春強半拍拍池塘春水滿風團柳絮舞如

狂雨壓橘花香不散陰陰巷陌閒庭院小立危欄
羞燕燕不知何事未還鄉除却青春誰作伴

驀山溪

春半

張震

青梅如豆斷送春歸去小綠間長紅看幾處雲歌柳
舞偎花識面對月共論心攜素手採香游踏徧西池
路水邊朱戶曾記銷魂處小立背秋千空悵望娉
婷韻度楊花撲面香糝一簾風情呱呱酒厭厭回首
斜陽暮

水龍吟

春遊

陸游

古今圖書集成
摩訶池上追遊路紅綠參差春晚韶光妍媚海棠如
醉桃花欲暖挑菜初閒禁煙將近一城絲管看金鞍
爭道香車飛蓋爭先占新亭館 惆悵年華暗換黯
銷魂雨收雲散鏡奩掩月釵梁折鳳秦箏斜鴈身在
天涯亂山孤壘危樓飛觀歎春來只有楊花和恨向
東風滿

好事近

仲春

汪莘

春早不知春春晚又還無味一點日中星鳥想堯民
如醉 不寒不暖杏花天花到半開處正是太平風

景爲人間留住

鹽角兒

春半

明馮鼎位

春分過也小樓昨夜棠梨花謝章臺折柳西園拾翠
暗香隨馬 午風輕鶯聲乍盈盈侶秋千初罷再相
約黃昏踏月牕下綠蛾重畫

仲春部選句

漢張衡歸田賦於是仲春令月時和氣清原隰鬱茂
百草滋榮王雎鼓翼倉庚哀鳴交頸頡頏關關嚶嚶
於焉逍遙聊以娛情

魏陳思王節遊賦仲春之月百卉叢生萋萋藹藹翠
葉朱莖竹林青葱珍果含榮凱風發而時鳥懽微波
動而水蟲鳴

晉陶潛詩春仲通時雨始雷鳴東隅

梁簡文帝大法頌夾鍾應於仲春甲申在於吉日

古今圖書集成
北周庾信華林園馬射賦序堯以仲春之月刻玉而遊河

唐白居易詩何日同宴遊心期二月二

唐彥謙詩二月雲煙迷柳色九衢風土帶花香又寒

郊二月初離別獨倚寒林嗅野梅

鄭谷詩和暖又逢挑菜日寂寥未是探花人

釋皎然詩二月湖南春草遍

宋劉筠大酺賦二月初吉春日載陽皇帝乃乘步輦出披香排飛闥歷未央御南端之嶢闕臨迴望之廣

場

邵雍詩年年二月凭高處不見人家只見花

陳與義詩二月山城未見花

陸游詩數點霏微社公雨兩叢濃淡女郎花

元趙孟頫詩二月江南鶯亂飛百花滿樹柳依依

葉顥詩燕子不來春又半一簾花雨海棠時

明吳稼燈詩三春花事終難負二月風光半未過

仲春部紀事

呂氏春秋古樂篇黃帝命伶倫與榮將鑄十二鐘以和五音以施英韶以仲春之月乙卯之日日在奎始奏之命之曰咸池

宋書符瑞志高辛氏之世妃曰簡狄以春分元鳥至之日從帝祀郊禱與其妹浴於元丘之水有元鳥銜卵而墜之五色甚好二人競取覆以玉筐簡狄先得而吞之遂孕匈剖而生契

堯在帝位七十年潔齋修壇場于河雒二月辛丑昧

明禮備至于日昃榮光出河休氣四塞乃有龍馬銜
甲赤文綠色臨壇而止吐甲圖而去又後二年二月
仲辛率羣臣沈璧于洛禮畢退俟至于下昃赤光起
元龜負書而出背甲赤文成字止于壇

帝王世紀成湯十有八祀乙未二月丙寅王至東郊
論諸侯功臣之後封墨台氏孤竹國

書經牧誓時甲子昧爽王朝至于商郊牧野乃誓王
左杖黃鉞右秉白旄以麾曰逖矣西土之人蔡傳甲子
二月四日也

詩經豳風七月章四之日舉趾孔傳四之日周四月也

民無不舉足而耕矣正義周之四月即是夏之二月建
卯之月也

四之日其蚤獻羔祭韭朱注蚤蚤朝也韭菜名獻羔祭
韭而後啓冰月令仲春獻羔開冰先薦寢廟是也

周禮地官媒氏中春之月令會男女於是時也奔者
不禁若無故而不用令者罰之司男女之無夫家者

而會之訂義鄭康成曰中春陰陽交以成昏禮順天時
也王氏詳說曰王子雍執孫卿之言以為霜降逆女

冰泮殺止遂別家語以為說曰霜降而婦功成嫁娶者行焉又曰冬合男女且疑仲春之月遂非婚姻之期曾不謂詩之所言大率以春為正如曰有女懷春如曰春日遲遲女心傷悲如曰倉庚于飛熠燿其羽皆以春為正鄭鏐曰或謂是時令會男女之當嫁娶者使得以及時則奔者宜禁反不禁之鄭康成以謂重天時權許之是否余以為康成一語之謬傷敗風教至今牢不可破可勝嘆哉周人立法之本意言奔者不禁若無故而不用令與今律文言若之若同若

之為言及也謂不禁男女之奔及無故不用令者俱有罰耳奈何以為重天時權許之耶陳君舉曰奔者不禁不當行而行也無故不用令宜成禮而不成禮也故當皆有罰史氏曰納采問名納吉納徵請期婚禮之常也當中春之月而是禮有不備者皆謂之奔奔者不禁聽其殺禮而成婚也內則曰聘曰妻奔曰妾先王重聘禮故有是說其實皆由媒氏而合可謂之淫奔乎國有凶荒家遇喪禍必待備禮男女失時矣此謂之故無故而不備禮其罰也宜矣鄭景望曰

古今圖書集成
罰者罰其父母兄弟尸婚嫁之責也鄭康成曰司猶
察也無夫家謂男女之鰥寡者

春官籥章中春晝擊土鼓嘯豳詩以逆暑訂義易氏曰
中春爲歲陽之中晝爲日陽之中如是而逆暑與堯
典所謂日中星鳥寅賓出日同意

夏官大司馬中春教振旅訂義鄭康成曰凡師出曰治
兵入曰振旅皆習戰也四時各教民以其一焉春習
振旅兵入收衆專於農王氏曰春陽用事非兵之時
鄭鏐曰是時兵當藏也王昭禹曰振如振領之振振

而整之也方其出則治之以行陳之事均服同食以
一衆心無暇整其儀飾及其入焉明尊卑辨貴賤此
所以整之也黃氏曰四時之田先教振旅王者之兵
出於萬全李嘉會曰一歲之功必因春之興作發生
而後萬物成振旅必於春示一勞而求逸也

羅氏中春羅春鳥獻鳩以養國老行羽物訂義易氏曰
中春蒐田非羅弊之時故以火弊而搜取其物之不
字乳者此言羅春鳥何也以奉至尊爲主而已其次
則獻鳩以養國老又其次則頒羣臣而謂之行羽物

此外一毫不可以輕取

司弓矢中春獻弓弩

訂義

王昭禹曰中春陽氣方和之

時薛氏曰弓人爲弓曰冬析幹則易春液角則合夏治筋則不煩秋合三材則合寒奠體則張不流冰析澗則審環春被弦則一年之事鄭氏謂葦歲乃可用是弓弩之制必以春而成李嘉會曰易氏以此言獻而不言成蓋獻稟人之所已成不知夏秋冬造之至春始被之弦乃可獻也

牧師中春通淫

訂義

鄭康成曰中春陰陽交萬物生之

時可以合馬之牝牡也月令季春乃令累牛騰馬遊牝于牧秦時書也秦地寒涼萬物後動

秋官司烜氏中春以木鐸脩火禁于國中

訂義

鄭鍔曰

中春大火之星見於辰季春出火司烜先脩火禁警以木鐸使無不聞則除去故火以待新火也王昭禹曰爲季春將出火先事而戒也鄭康成曰火禁謂用火之處及備風燥

冬官韡人凡冒鼓必以啓蟄之日

訂義

鄭康成曰冒蒙

鼓以革也啓蟄孟春之中也蟄蟲始聞雷聲而動鼓

古今圖書集成
所取象鄭鏗曰雷之發蟄聲震百里鼓欲其聲如雷
故冒鼓必取啓蟄之日先王之制器其取法天道纖
悉必攷有如此者

孟諸孟子生時母夢神人乘雲自泰山來母凝視久
之忽片雲墜而寤里巷皆見有五色雲覆孟氏居按
孟子生於周定王三十七年四月二日卽今之二月
二日也

孔叢子古者天子歲二月東巡狩所過諸侯各待于
境天子先問百年者所在而親問之然後覲方岳之

諸侯

漢書高帝本紀二年二月癸未立漢社稷施恩德賜
民爵蜀漢民給軍事勞苦復勿租稅二歲關中卒從
軍者復家一歲舉民年五十以上有脩行能帥衆爲
善置以爲三老鄉一人擇鄉三老一人爲縣三老與
縣令丞尉以事相教復勿繇戍

郊祀志高祖十年春有司請令縣常以春二月及臘
祠稷以羊彘民里社各自裁以祠制曰可
武帝本紀建元元年春二月赦天下賜民爵一級年

八十復二算九十復甲卒注二算復二口之算復甲卒不豫革車之賦

太始三年二月五日行幸東海獲赤鴈作朱鴈之歌幸琅邪禮日成山登之罘浮大海山稱萬歲注孟康

曰禮日拜日也如淳曰祭日於成山也師古曰成山在東萊不夜縣

宣帝本紀神爵四年春二月詔曰迺者鳳凰甘露降集京師嘉瑞並見脩典泰一五帝后土之祠祈為百姓蒙祉福鸞鳳萬舉蜚覽翱翔集止于旁齋戒之暮

神光顯著薦鬯之夕神光交錯或降於天或登于地或從四方來集於壇上帝嘉嚮海內承福其赦天下賜民爵一級女子百戶牛酒鰥寡孤獨高年帛

漢官儀光武帝建武三十二年東巡狩二月十九日之山虞國家居亭百官布野此日上山雲氣成宮闕百姓皆見

後漢書祭祀志建武三十二年二月二十二日辛卯晨燎祭天于泰山下南方羣神皆從用樂如南郊明帝本紀永平四年春二月辛亥詔曰朕親耕藉田

古今圖書集成
以祈農事京師冬無宿雪春不燠沐煩勞羣司積精
禱求而比再得時雨宿麥潤澤其賜公卿半俸有司
勉遵時政務平刑罰

永平六年二月王雒山出寶鼎廬江太守獻之

章帝本紀元和二年二月甲寅詔曰山川鬼神應典
禮者尚未咸秩其議增脩羣祀以祈豐年丙辰東巡
狩己未鳳皇集肥城乙丑帝耕于定陶詔曰三老尊
年也孝弟淑行也力田勤勞也國家甚休之其賜帛
人一匹勉率農功辛未幸泰山柴告岱宗有黃鵠三

十從西南來經祠壇上東北過于宮屋翺翺升降壬
申宗祀五帝于汶上明堂

律曆志元和二年二月甲寅制書曰古先聖王先天
而天不違後天而奉天時史官用太初鄧平術冬至
之日日在斗二十二度而曆以爲牽牛中星先立春
一日則四分數之立春日而以折獄斷大刑于氣已
迓用望平和蓋亦遠矣今改行四分以遵于堯以順
孔聖奉天之文

章帝本紀元和三年二月壬寅告常山魏郡清河鉅

古今圖書集成
鹿平原東平郡太守相日月令孟春善相丘陵土地
所宜今肥田尚多未有墾闢其悉以賦貧民給與糧
種務盡地力勿令游手所過縣邑聽半入今年田租
以勸農夫之勞

安帝本紀元初六年春二月乙卯詔日月令仲春養
幼小存諸孤季春賜貧窮賑乏絕省婦使表貞女所
以順陽氣崇生長也其賜民尤貧困孤弱單獨穀人
三斛貞婦有節義十斛甄表門閭旌顯厥行
延光三年春二月東巡狩勞賜郡縣作樂

張奐傳奐拜武威太守其俗多妖忌凡二月五月產
子及與父母同月生者悉殺之奐示以義方嚴加賞
罰風俗遂改百姓生爲立祠

大戴禮記虞戴德篇天子以歲二月爲壇於東郊建
五色設五兵具五味陳六律品奏五聲聽明教置離
抗大侯規鵠堅物九卿佐三公三公佐天子天子踐
位諸侯各以其屬就位乃升諸侯諸侯之教士教士
執弓挾矢揖讓而升履物以射其地心端色容正時
以數伎時有慶以地不時有讓以地

古今圖書集成
魏文帝序建安二十四年二月壬午魏太子丕造百辟寶劍長四尺二寸選茲良金令彼國工精而鍊之至于百辟淬以清漳礪以礪諸光似流星名曰飛景千寶晉紀泰始四年二月上幸芳林園與羣臣宴賦詩觀志

晉書禮志故事祀臯陶以社日新禮改以孟秋之月以應秋政摯虞以爲祭用仲春義取重生改用孟秋以應刑殺理未足以相易宜定新禮如舊制可索統傳孝廉令狐策夢立冰上與冰下人語索統曰

冰上爲陽冰下爲陰陰陽事也士如歸妻迨冰未泮婚姻事也君在冰上與冰下人語爲陽語陰媒介事也君當爲人作媒冰泮而婚成會太守田豹因策爲子求鄉人張公徵女仲春而成婚焉

隋書禮儀志晉元帝建武元年創有太社帝社太稷凡三壇門牆並隨其方色每以仲春并令郡國縣祠社稷先農縣又兼祀靈星風伯雨師之屬

梁書武帝本紀天監十年二月戊申騶虞一見荊州華容縣

古今圖書集成
天監十一年二月新昌濟陽二郡野蠶成繭

隋書禮儀志梁初藉田依宋齊以正月天監十二年武帝以爲啓蟄而耕則在二月節內書云以殷仲春藉田理在建卯于是改用二月

南史梁武帝本紀普通四年二月乙亥耕藉田孝弟力田賜爵一級預耕之司尅日勞酒

隋書禮儀志陳制令大中署常以二月八日于署庭中以太牢祠老人星兼祠天皇大帝太一日月五星鉤陳北極北斗三台二十八宿大人星子孫星都四

十六座

魏書禮志高祖太和十六年二月丁酉詔曰夫崇聖

祀德遠代之通典秩

闕三字

中古之近規故三五至

仁唯德配享夏殷私已稍用其姓且法施于民祀有明典立功垂惠祭有恆式斯乃異代同途奕世共軌今遠遵明令憲章舊則比於祀令已爲決之其孟春應祀者頃以事殷遂及今日可令仍以仲月享祀

洛陽伽藍記平等寺永熙元年平陽王入纂大業造五層塔二年二月五日土木畢功帝率百寮作萬僧

古今圖書集成
會

北史魏文帝本紀大統三年春二月槐里獲神璽
荆楚歲時記春分日民並種戒火草於屋上有鳥如
鳥先鷄而鳴架架格格民聞此鳥則入田以爲候
北史隋高帝本紀開皇元年二月京師慶雲見
隋書百官志司隸臺大夫一人掌諸巡察每年二月
乘輅巡郡縣

舊唐書禮儀志仲春之月祭唐堯于平陽祭虞舜于
河東祭夏禹于安邑祭殷湯于偃師祭周文王于豐

祭武王于鎬

唐書食貨志凡屯田收多者褒進之歲以仲春籍來
歲頃畝州府軍鎮之遠近上兵部度便宜遣之

唐六典中尚令二月二日進鏤牙尺紫檀尺

舊唐書太宗本紀貞觀六年二月戊子初置律學

玉海唐太宗貞觀十四年二月四日陝州黃河清景
雲見協律郎張文收采古天馬作歌之義作景雲河

清賦

唐會要貞觀十七年二月二十八日詔曰自古帝王

古今圖書集成
褒崇勳德既勒銘于鐘鼎又圖形于丹青是以甘露
良佐麟閣著其美建武功臣雲臺紀其績無忌等二
十四人宜酌故實并圖畫凌煙庶念功之懷無謝于
前載旌賢之義未貽於後昆
貞觀十八年二月十七日辛酉召三品以上賜宴于
元武門太宗操筆作飛白書羣臣乘酒就太宗手中
相競散騎常侍劉洎登牀引手然後得之其不得者
咸稱洎登牀罪當死太宗笑曰昔聞婕妤辭輦今見
常侍登牀

事物紀原唐末徽三年二月十日以天下無虞百司
務簡每至旬假許不視事以寬百寮休沐

載初元年二月十四日武后策問舉人于洛城殿殿
前試人自此始

唐會要開元十二年二月二十二日祠后土汾陰睢
上太史奏榮光出河休氣四塞祥風繞壇日揚其光
唐書許景先傳開元十三年二月帝自擇刺史凡十
一人詔宰相諸王御史以上祖道洛濱盛供具奏太
常樂帛舫水嬉賜詩十韻帝親書且給紙筆令自賦

古今圖書集成
齋絹三千遣之

唐會要開元十六年築龍池壇于興慶宮以仲春月祭之

玉海開元二十四年二月十三日明皇移貢舉于禮部以侍郎主之禮部選士自此始

舊唐書明皇本紀開元二十八年春正月以望日御勤政樓讌羣臣樓下連夜燒燈會大雪而罷因命自今常以二月望夜爲之

唐會要天寶元年二月二十日合祭天地于南郊

羯鼓錄唐明皇尤愛羯鼓玉笛常云八音之領袖不可無也嘗遇二月初詰旦巾櫛方畢時當宿雨初晴景物明麗小殿內庭柳杏將吐覩而歎曰對此景物豈得不與他判斷之乎左右相曰將命備酒獨高力士遣取羯鼓上旋命之臨軒縱擊一曲曲名春光好神思自得及顧柳杏皆已發拆上指而笑謂嬪御曰此一事不喚我作天公可乎嬪御侍官皆呼萬歲秦中歲時記二月二日曲江採菜士民遊觀極盛舊唐書德宗本紀貞元五年春正月乙卯詔四序佳

辰歷代增置漢崇上巳晉紀重陽或說禳除雖因舊俗與衆共樂咸合當時朕以春方發生候及仲月勾萌畢達天地和同俾其昭蘇宜助暢茂自今宜以二月一日爲中和節以代正月晦日備三令節數內外官司休假一日宰臣李泌請中和節日令百官進農書司農獻種耜之種王公戚里上春服士庶以刀尺相問遺村社作中和酒祭勾芒以祈年穀從之

唐書李泌傳帝以前世上巳九日皆大宴集而寒食多與上巳同時欲以三月名節自我爲古若何而可

泌請廢正月晦以二月朔爲中和節因賜大臣戚里尺謂之裁度民間以青囊盛百穀瓜果種相問遺號爲獻生子里閭釀宜春酒以祭勾芒神祈豐年百官進農書以示務本帝悅乃著令與上巳九日爲三令節中外皆賜緡錢燕會

鄴侯家傳鄴侯夜夢見賜中和節詩于金花牋上第一對首忘一字云茲中和節式慶天地春及中和日百寮會曲江亭賜御製詩肇茲中和云云其金花牋上花雲皆夢所見者奉詔同用春字

古今圖書集成
衣冠盛事貞元初置中和節御製詩朝臣奉和詔寫
本賜戴叔倫于容州天下榮之

舊唐書德宗本紀貞元六年二月戊辰朔百僚會宴
于曲江亭上賦中和節羣臣賜宴七韻是日百僚進
兆人本業三卷司農獻黍粟各一斗

貞元九年二月庚戌朔先是宰臣以三節次宴府縣
有供帳之弊請以宴錢分給各令諸司選勝宴會從
之是日中和節宰相宴于曲江亭諸司隨便自是分
宴焉

貞元十四年二月壬子朔戊午上御麟德殿宴文武
百寮初奏破陣樂遍奏九部樂及宮中歌舞妓十數
人列于庭先是上製中和樂武曲是日奏之日晏方
罷比詔二月一日中和節宴以雨雪改用此日上又
賦中春麟德殿宴羣臣詩八韻羣臣頌賜有差

玉海貞元十四年二月戊午上製新樂詩序曰仲春
之首紀爲令節象中和之容作中和之舞

劇談錄都人遊翫曲江池盛于中和節綵幄翠幃匝
於堤岸鮮車健馬比肩擊轂上賜宴臣僚京兆府大

古今圖書集成
陳筵席長安萬年兩縣以雄勝相較百辟會于山亭
恩賜太常及教坊聲樂池中備綵舟數隻惟宰相王
使北省官與翰林學士登焉

舊唐書柳公權傳公權從幸未央宮苑中駐輦謂公
權曰我有一喜事邊上賜衣久不及時今年二月給
春衣訖公權前奉賀上曰單賀未了可賀我以詩宮
人迫其口進公權應聲曰去歲雖無戰今年未得歸
皇恩何以報春日得春衣上悅激賞久之

文宗本紀太和二年二月庚戌勅李絳所進刪定兆
人本業三卷宜令所在州縣寫本散配鄉村

李德裕兩朝獻替記太和七年二月二十八日蒙恩
守本官平章事去冬今春久無雨雪是日甘澤沛然
樞密使謂予曰禁中喜此宮人呼相公下一字訛音
李德雨矣

舊唐書武宗本紀開成五年二月敕二月十五日元
元皇帝降生宜爲降聖節休假一日

昭宗本紀以咸通八年二月二十二日生於東內
又中書奏請以二月二十二日爲嘉會節從之

彤管遺編若耶溪女題三鄉詩序會昌壬戌仲春十
九日二九子爲父後玉無瑕弁無首荆山石往往有
題隱名不書後李舒解之曰當是姓李名弄玉也
雲仙雜記蜀人二月好以豉雜黃牛肉爲甲乙膏非
尊親厚知不得而預其家小兒三年一享

寰宇記蜀萬州風俗二月二日攜酒饌鼓樂於郊外
飲宴至暮而歸謂之迎富

長編唐明宗丁亥二月十六日宋太祖生於洛陽夾
馬營是夕神光照室胞如菡萏異香馥郁人因號其

地爲香孩兒營

玉海晉高祖二月二十八日誕爲天和節

五代會要後漢高祖劉知遠唐乾寧二年二月四日
生以是日爲聖壽節

遼史禮志二月八日爲悉達太子生辰京府及諸州
雕木爲像儀仗百戲導從循城爲樂悉達太子者西
域淨梵王子姓瞿曇氏名釋迦牟尼以其覺性稱之
曰佛

宋史禮志建隆元年羣臣請以二月十六日爲長春

古今圖書集成
節正月十七日於大相國寺建道場以祝壽至日上
壽退百僚詣寺行香尋詔今後長春節及諸慶節常
參官致仕官僧道百姓等毋得進奉

廬陵異物志開寶四年黔南上言江心有石魚見上
有古記云廣德元年二月大江水退石魚見部民相
傳豐稔之兆

樂史總仙記淳化元年昇州奏二月十五日夜忽有
雷聲茅山燕口洞宮石開二尺裏面得銅鐵錢三十
一文

燕翼貽謀錄月令開冰獻羔在仲春之月五季之亂
訛舛至用四月淳化三年三月己未詔改正之

宋史太宗本紀淳化四年二月初四日壬戌召賜京
城高年帛百歲者一人加賜塗金帶是日雨雪大寒
再遣中使賜孤老貧窮人千錢米炭

宋會要太平興國三年二月十六日太宗幸西綾錦
院命近臣縱觀織室機杼

事物紀原辛氏三秦記曰昆明池漢武帝立之習水
戰宋建隆間卽都城之南鑿講武池始習水戰將有

古今圖書集成
事於江南也及太平興國中得吳越錢氏龍舟七年
疏國城西開金明池于是每歲二月教池遂爲故事
宋史禮志咸平二年二月晦日賞花宴于後苑帝作
中春賞花釣魚詩儒臣皆賦遂射于水殿盡歡而罷
自是遂爲定制

景德四年二月甲申上御五鳳樓觀酺宗室近臣侍
坐樓前露臺奏教坊樂召父老五百人列坐賜飲於
樓下後二日上復御樓賜宗室文武百官宴於都亭
驛賜諸班諸軍將校羊酒

事物紀原宋真宗大中祥符四年二月二十六日詔
加中嶽中天王爲崇聖中天王

玉海大中祥符九年二月二十七日召近臣於後苑
翔鸞閣觀太宗御書及御製聖文神筆頌玉宸殿記
等遂宴於玉宸殿殿在苑中密邇宮禁帝優寵輔臣
每大禮慶成從容一名至兩制皆預蓋特恩也
天聖新令春分開冰祭司寒于冰井務十日薦冰于
太廟季冬藏冰設祭亦如之

玉海明道二年二月十一日行藉田禮貢舉人自請

古今圖書集成
陪位許父老縱觀勿令呵止

二月十六日賜百福酒

慶曆四年二月二十三日丙辰帝御崇政殿西閣閣中四壁各張畫圖載前代帝王美惡之跡可爲規戒者命兩府臣僚入閣觀之

涑水記聞二月二日上幸後苑命后宮挑生菜

東坡志林元豐七年二月一日東坡居士與徐得之參寥子步自雪堂並柯池入乾明寺觀竹林謁乳姥任氏墳鋤治茶圃遂造趙氏園探梅堂至尚氏第觀

老枳偃蹇如龍虵形憩定惠僧舍飲茶任公亭師中庵乃歸且約後日攜酒尋春於此

蘇轍詩序眉之二月望日鬻蠶器於市因作樂縱觀謂之蠶市

宋史禮志政和三年以二月十五日太上混元上德皇帝降聖日爲真元節

宣和四年二月太常王黼編類明堂頒朔布政與詔書條例氣令應驗凡六十三冊上之

玉海紹興十七年二月十三日上親祠青帝于東郊

以伏羲高辛配祠簡狄姜嫄于壇下

宋史禮志乾道二年二月四日車駕幸玉津園皇帝射訖次命皇太子次慶王次恭王次管軍臣僚等射如是者三每射四發帝前後四中的

乾淳歲時記二月一日謂之中和節唐人最重今惟作假及進單羅服御百官服單羅公常而已二日宮中排辦挑菜御宴先是預備朱綠花斛下以羅帛作小卷書品目于上繫以紅絲上植生菜薺花諸品俟宴酬樂作自中殿以次各以金篋挑之后妃皇子貴

主婕妤及都知等皆有賞無罰以次每斛十號五紅字為賞五黑字為罰上賞則成號真珠玉杯金器北珠篋環珠翠領抹次亦鍔銀酒器冠鍔翠花段帛龍涎御扇筆墨官窑定器之類罰則舞唱吟詩念佛飲冷水吃生薑之類用此以資戲笑王宮貴邸亦多倣之二月八日為桐川張王生辰霍山行宮朝拜極盛

百戲競集如緋綠社雜劇齊雲社蹴毬遏雲社唱賺同文社

要角觥社相撲清音社清樂錦標社射弩錦體社花繡英略社

使雄辯社小說翠錦社行院繪革社影戲淨髮社梳剃律華社

古今圖書集成
叫吟雲機社撮弄而七寶騰馬二會爲最玉山寶帶尺璧寸珠璀璨奪目而天驥龍媒絨韉寶轡競賞神駿好奇者至剪毛爲花草人物廚行果局窮極肴核之珍有所謂意思作者悉以通草羅帛雕飾爲樓臺故事之類飾以珠翠極其精緻一盤至直數萬然皆浮靡無用之物不過資一玩耳奇禽則紅鸚白雀水族則銀蟹金龜高麗華山之奇松交廣海嶠之異卉不可縷數莫非動心駭目之觀也若二月三日殿司眞武會二月二十八日東嶽生辰社會之盛大率類此不

暇贅陳

七修類稿宋朝科制以二月十二日會試鎖院

朱子詩序正月五日欲用斜川故事結客載酒過伯休新居風雨不果二月五日始克踐約坐間以陶公卒章二十字分韻熹得中字賦呈諸同遊者

宋史外國傳高麗國二月十五日僧俗燃燈如中國上元節

元史祭祀志世祖至元七年以帝師八思巴之言於大明殿御座上置白傘蓋一頂用素段泥金書梵字

古今圖書集成
於其上謂鎮伏邪魔護安國刹自是每歲二月十五日於大殿啓建白傘蓋佛事用諸色儀仗社直迎引傘蓋周遊皇城內外云與衆生祓除不祥導迎福祉續文獻通考元武宗至大三年命祀先農樂用登歌日用中春上丁或用上辛或甲日

成都歲華紀麗譜二月二日踏青節初郡人遊賞散在四郊張公詠以爲不若聚之爲樂乃以是日出萬里橋爲綵舫數十艘與賓僚分乘之歌吹前導號小遊江蓋指浣花爲大遊江也士女駢集觀者如堵晚

宴於寶曆寺公爲詩曰春游千萬家美人顏如花三三兩兩映花立飄飄似欲乘煙霞公鐵心石腸乃賦此麗詞哉後以爲故事清獻公爲記時綵舫至增數倍今不然矣八日觀街藥市早宴大慈寺之設廳晚宴金繩院

歲華紀麗注二月八日釋氏下生之日迦文成道之時信捨之家建八關齋戒車輪寶蓋七變八會之燈平旦執香花繞城一匝謂之行城

周伯琦紀事詩注至正十一年二月十二日禮闈揭

古今圖書集成
勝傳宣張宴各賜衣幣勝魁李國鳳趙麟號鳳麟勝
帝京景物略二月二日小兒以木二寸製如棗核置
地而棒之一擊令起隨一擊令遠以近爲負曰打棗
棗古所稱擊壤者耶其謠云楊柳兒活抽陀螺楊柳
兒青放空鐘楊柳兒死踢毬子楊柳發芽兒打棗兒
空鐘者刳木中空旁口盪以瀝青卓地如仰鐘而柄
其上之平別一繩繞其柄別一竹尺有孔度其繩而
抵格空鐘繩勒右却竹勒左却一勒空鐘轟而疾轉
大者聲鐘小亦咕蜩發聲一鐘聲歇時乃已製徑寸

至八九寸其放之一人至三人陀螺者木製如小空
鐘中實而無柄繞以鞭之繩而無竹尺卓于地急掣
其鞭一掣陀螺則轉無聲也視其緩而鞭之轉轉無
復住轉之疾正如卓立地上頂光旋旋影不動也

熙朝樂事二月朔日唐宋時謂之中和節今雖不舉
而民間猶以青囊盛五穀瓜果之種相遺謂之獻生
子自是城中士女已有出郭探青掃墓設奠者湖中
遊舫倩價日增矣二日士女皆戴蓬葉諺云蓬開先
日草戴了春不老十九日上天竺建觀音會傾城士

古今圖書集成
女皆往其時馬塍園丁競以名花荷擔叫鬻音中律
呂黃子常賣花聲詞云人過天街曉色擔頭紅紫滿
筠筐浮花浪藥畫樓睡醒正眼橫秋水聽新腔一回
催起吟紅叫白報得蜂兒知未隔東西餘音軟美迎
門爭買早斜簪雲髻助春嬌粉香簾底喬夢符和詞
云侵曉園丁叫道嫩紅嬌紫巧工夫攢枝餽藥行歌
佇立洒洗粧新水捲香風看街簾起深深巷陌有箇
重門開未忽驚他尋春夢美穿牕透閣便憑伊喚取
惜花人在誰根底

明會典春分之日祭大明之神甲丙戊庚壬年帝親
祀餘年遣大臣攝祭

續文獻通考景泰五年勅賜文昌宮額歲以二月初
三日爲帝君誕生之辰遣官致祭

先蠶氏之祭嘉靖中始行以歲仲春擇日皇后祭公
主內外命婦陪祭

問政要覽太僕寺每年祭馬神在通州北四十里安
德鄉鄭村壩春祭在二月二十二日前期題請遣少
卿一員行禮

農政全書二月十二日浴蠶以菜花野菜花韭花桃花白豆花揉之水中而浴之

續文獻通考苗人仲春刻木爲馬祭以牛酒老人並馬箕踞未婚男女吹蘆笙以和歌詞謂之跳月

